捣藻堂四庫全書

音薈

要

史部

欽定四庫全書 曾要史部

詳校官員外郎臣楊世綸

帝明言之於是太學生陳東率諸生上書曰今日之事 天下皆知蔡京等誤國而用事者多受其薦引其肯為 ~完宣和七年十二月上以全兵迫禪位於太子桓時 欽定四庫全書舊要悉八千七百九十三 2000 1000 宋史紀事本未卷十三 晕好之寬 宋史紀事本未 明 陳邦賠 輯 摆

茶、 一人害己者此京之本謀 肆 隙 勔! É 諸市 寧 使天下之勢危如縣髮此六城者異名同 死則一門生用一故史逐則一故吏來更 上疏 聚怨於東南王輔 京壞乳於前梁師成陰賊 媫 四月 化 化軍台為殿中侍小朝傳首四方以謝 曰數十年來王公卿 童貫又從而 御史既 謝天下先是太上皇起崔臨通 也安得實是之言聞於陛 相 於內李彦結怨於西 皆自蔡京出要使一門 至而帝即位授右正言 構聚於二國 持 罪 創 頗 北朱 陛 開

累及學官若為軾黃庭堅之文章范鎮沈括之雜就 取士天下靡然雷 尚敢為此好言乎王安石 否素所係國家治 以為太學之盛數問不已甚乎原京與辦之罪乃天地 諫議大夫馬辦近上章曰士無異論太學之盛也 嚴 又以學校之法取士人如軍法之馭卒伍一有異 刑重賞禁其收藏其苛錮多士亦已密矣而辦 同陵夷至於大亂此無異論之效也 亂由之以分不可忽也仁宗英宗 除異已之人著三經之說 悉 綇

以

謟 京 T 矣 異己為 佞 朴 倡為 光 公 兹 符應 私 絡 復 敢 起 遇 述 言之士以 極矣尚忍使其餘盡再破 紹 述 而 同 部上書者數千人京遣 絽 邪 述造士而人才衰給 風 之 用 भ 論 义 與京同者也故 俗 遺子孫安石目 元 而 以 祐之治天下安於太山及 天下 欺 人主紹述一 同 於 列 欺 為 述 壞那 腹心考定之 于正京之 開 道 罔 流 俗一 京 追而 徳而天下一於 奸 桁 述 塞 切逐 邪之 章 同 塵 破 理 壞 掉 巴為 去 犯 財 闕 司

欽

定

四

庫

全書

欽 類 極 論時 王莽 宗 靕 議 而 康 朋 元 歸 重 年 黨之衆 春 馬 正 則又過之願斬之以謝天下果 月 £ 黼 單 金 兵至 不 俟 命 載 其 好

誅

尺

家

取

其

首

ンく

獻

帝

ンス

初

.即

位,

難

於誅

大

臣

託

壹

為

翻事下

開

封

戶

聶

日昌

遣武

士

躡

之及

於

雍

丘

南

戕

取

媚

流

毒

生

民

瑜

二十年積官至寧遠軍節度使

居蘇

盗

所

殺李彦賜

死

並

籍其家朱

勔

放

歸

田

里

勔

ンス

花

石

ンス

東

詔

貶

為

崇

信

軍

一節度!

副

使永

911

安

置

吳

敏李

網

請

皇末年益親任之居中白事傳達上古大略如內 守多出其門 飲 舟募兵數千人推 脱至是凡由 定 ĒB 如唐重師縣為太幸李邦彦引 不避宫續一門盡為顯官騙僕亦至金紫天下為之 肆 四庫全書 陳 招克 其園 公輔言蔡京王黼 邪 動得官者皆罷時二府多宣和舊人秋 人穢夫候門奴事時謂東南小 池擬禁御服飾題用上借來與又記 以 宋吏紀事本末 自 衛聲酸薰灼東南部刺史即 初事二十 餘年臺諫皆緣 用謝克家孫觀為暴 朝 侍 廷上

稍 글 附 修蔡攸引用令此四人者處臺諫之任臣 辛 之其 稍 權 節 倖 頌 振 相 、上書為 大臣之過 小更借 度 陰 起 慷 副 熱 敵 慨 使 國 遇 論 師成 間 間 宏 名令 事 亦 PP 者 之豈不畏 願 赴 終 與 晩 列] 擇 P 晕臣 王 廷 年益通路謝士人入錢 之臺諫 黼 試唱第之日 科 害為 而 服 中 哉 轨 朴茂 則 鄆 役 Þή 女口 純直安貧守節 任 未 栺 初 侍 得 市 陰 師 **人禮義** 知其決一 贬 畫 成 側 梁 一奪宗 数百 豝 師 亷 若 咖 政 不 萬 為 耻

惡 及八角 以 欽 布衣張炳 避罪 亳州 丑貶童貫安置 童貫為左衛 定四庫全書 師成力保護太子得不動摇及上皇東幸嬖臣多從 鎮賜 明道宫時三人皆從上皇行 師成自以舊恩留京師太學生陳東既既其罪 亦以為言遂貶令開封吏護送至貶所 死 上將 一月甲寅販蔡京為私書監分司 柳州今吏部考數濫賞凡由 軍池州居住蔡攸為太中大夫 パ 陳東之言故 楊戬李 提 南 行

事本末

之公田王黼

朱面之應奉童貫譚碩等西北之師孟

宣力應奉有勞特赴殿武之流所得爵賞悉奪之 幣吳越山東茶鹽 陂田之利宫觀池乾營繕之 書藝局文字庫等之費又若近習所引獻頌可采劝 昌齡父子河防之役獎蜀湖南之開 京字元長與化仙游人熙寧三年進士天資凶請舞 月乙丑朔 二十三人分竄速地遇赦不許量移是日京死于 州收雷州童貫吉陽軍趙良嗣柳州乙酉部 除元符上書和等之禁 乙亥竄 終京于 功後 人 京子

瘇

關陜河東之改

京 得美官 秦 位 欽 廟 匍 監察 越暮年即家 計 御 定 帝 四 伏 Ż, 人與童貫 棄 庫 禍 种 प्व 亦 全書 頭 史張 知 雖 祀 即善策人主微 其 部 無 以, 復 相 謪 為 奸屢罷屢起京每間 澂 法 府 誅 廉耻見利 結 度 死 為 童貫貫少出李憲之門 營進之徒俱集其門 因 天 虚 得縣進在人主前 F 指 器 揂 忘義至於 先事順 以 根 不 株 連結牢 正典 承貫狀 將 兄弟父子 退免輒 刑 輸貨 為 顓 不 貌 狙 性 恨 可 魁 入見 破 僮 伺 卒致 禄 自為 為 媚 占 祈 旬

償責 Ð 者詔方劭 兵二十 懸于市 **疎射後宫自** 他事 閩 竉 遣廣西轉運副使李昇之誅趙良嗣函首赴 年 媚翕赫庭户 **幼及得罪逐死窮奸稔禍流毒四海死不足** 往 權 九月蔡攸與弟脩及朱助伏誅先是竄 察一動一息貫悉值得之先密以白 傾一時奔走期會過于制教害有論其過 妃 嬪以下皆獻 雜 運成 市岳牧輔 饋 結 納 左右婦寺譽言 弼多出 其門 动 且 稻 闕 腦 ンス

偉願下生鬚十數皮骨勁如鐵不類閣人有度量

文

起日華全書

宋史紀事本末

山之役禍及天下罪不容死於是遣使即三人竄所 藏宗宣和七年冬十月金将足瑪哈幹剛布分道入寇 其家田至三十萬畝他物稱是言者又論攸與然 金人入寇 斬

童

伐宋恐為後患金主以為武而未敢輕舉及使者往

貫郭樂師治兵庶山幹喇布遂請于金主曰苟不

先

初

幹喇布在平州遣人來索叛亡户口朝

議弗遣且

聞

也及既獲遠主即決意南 耶 巴童貫自太原逃歸金尺瑪哈 布監多昂摩房宗兩軍戰事自平州入旗山 伊都 都統多昂摩為南京路都統劉彦宗為漢軍都統幹 律伊都為元帥右都監自雲中超太原達齊為六部 居京師 劉彦宗亦言南 尺瑪哈 為右副 朝 侵以阿木班貝勒舍音領 可 圖 元 险 師固新為元師右監 阿
不 朔 代训 少 衆 因糧 遂圍太原 就 兵 都

數道路險易朝廷治否府庫虚實漸

得要

領

寧有幾許軍馬處敢作如此事即 擴 瑪 人至宣 辛興宗往 路田爾 持 貫往受地至太原聞 金人遣使來許割 論 趣 横等庭然 汝 撫 家 尚 使輸 可矣 别 盐 .JL. 削 以交割 數 如 擴 兩 城來可贖罪 710 新應州及飛旅靈丘縣帝信之遣 選具言于貫 見金主之禮 尺 兩 瑪 縣 地事擴至軍前尺瑪哈嚴 哈自雲中南下貫乃使 耶山前 擴回 貫日全初立國 也汝 既畢首議山後事 山後皆我家地尚 被既 輩可! 深 即 去我 遙 馬 朝 頭 自

歃

欲 禁貫不從 とン、 不素告我色 金人渝 假 νŻ 渝 火 赴關稟議 河為界 張鼓又為契丹 摇 盟 盟 納 既 晃 叛等事! 以 大 勒 庶 而 存 為名 河 王當會諸 默 尺 宋 東 曰 瑪 與 朝 哈 遁還京 詢 共 舊 **金** 公宗 L 語 造 臣 路 也河東既失河北宣可 典 社 甚 РÍТ. 王 附士 師 貫聞之氣 介 **佬**貫問 何告為宜速割 激 夫_し 儒 故謀 入 極 色 力 原 之日 勒 報復今宜速 支吾 府 禠 黙持書至太 張 不 如 今大 河 孝 ケロ 此上 大 純 東 肵 事 保 為 X 河 TP 即 源

欴

È

日車全書

宋史紀事本末

馬 望 能 賊 及 置 瑪 便克也貫怒 喇布入檀 哈哈 帥 酷 死尺 5] 事 臣 郭 乃蓄 푦 兵 樂 何為遂行孝純嘆曰平生童 %遂 劍 阾 師與詹度同職 此之日費受命宣 94) 朔 縮畏 郭 州克代 進 樂 圍 儡 師 太 奉 94 原 勁 地險城堅人亦習戰 以燕山 自以節 都巡檢使李翼力戰 孝純悉力 鼠竄 叛降 無 何 鉞 面目復見天子 非守土也必欲 金金 天 欲居度上度以 固宁 師 孟 作幾許威 金未 陥 画 被 轨 金 留

留

共

圖

報

國

兼

太原

之偕來貫至禁 朝 權貴官侍譽言日聞于帝遂事制一路增募兵至三 每令部曲持良械精甲貿易於他道為奇巧之物以奉 度不能制朝廷處其交惡命蔡靖代度靖至坦懷待之 而不改契丹服 師亦重時稍為 筆所書有序藥師不從加以常勝軍橫暴藥師右之 師解不至帝令童貫行邊陰察其去就不 師迎拜! 飾朝論頗以為疑進拜太尉召之入 抑損及安中被名靖代知府事藥 帳下貫避之日汝今為太尉與 愁 則

金 貫衆皆失色 知 下馬當貫前掉旗一揮俄項四山鐵 欽 逆節巴剪 之謂其可倚故内地不 國書朝 其他實釋 定四庫全書 等耳此禮何為藥師日太 喇布自平州 廷 亮 紙 歸 不省詹度又言樂師婚 遂邀貫視師至於迫野界無人迹察 為帝言藥師必能 横 破 H 甚始部遣官究實而金兵已南 檀 薊至三河蔡靖遣藥師及張令 榎 防制屬有告變及得其通 師父也禁 抗 敵 騎 小師唯 視 蔡 耀日莫測其數 非常趣向懷 他亦從中力 拜我父馬 師

論 布兵肠之使 矣 顾洁置軍中以行於是熊山府 妻以女拒弗谷平居向 骅 喇布既 金人圍太原太常少鄉傅察使 不屈遂遇害察堯俞從孫也十八登進士蔡京 . 17. 得藥師益知来虚實因以為 拜且降不 . 拜 宋史紀事本末 左右控之伏地愈植立及覆 恂 然若無 所 所可否及倉 金至境上遇斡 屬州縣皆為金 鄉導懸軍深 卒 書 有

帥

所部兵却靖及都運使召願浩降金幹喇布執

劉舜仁

帥

師四萬五千迎戰于白河兵敗而還藥

後蓋留以 精 灌 付 以金人南下罷諸路花 義聞者莫不壯之後益忠 以金師 兵以北 敏入對宰執皆在敏前奏事且日金人渝盟舉兵犯 謂白時中日金人傾國遠至其鋒不可當今方平 内 侍成武軍節度使梁方平守教陽步軍都虞候何 在 衞 日追為憂蔡依標知帝意欲內禪引給事中 京皆疲弱也萬一方平不支吾何以善吾 根本不從 戊午以皇太子桓為開 石綱 南 及内 内 外製造局悉以禁 辰金兵犯中山府帝 封收 擁

四庫在書

卷十

不報金人南下貫與虚中還朝帝謂虚中曰王黼 自焚之禍上書極言之王編大怒又累建防邊策議告 為童貫恭議官虚中以廟鎮失策主即非人將 税先出守金陵敏 順 柳言今事勢若此奈何虚中對日今日 宜先降部罪 陛下何 以太子為開 理也此命果行 以待之帝蹙然日奈何時東幸計已定命李 封牧 退 須 誻 死. 都堂言日朝廷便為棄京師 已未詔天下勤王初宇文虚 不奉記宰執以為言稅遂罷 有納 不 中

朕不寤聚庶怨懟而朕不知追惟已愆悔之何及思 籍政事與廢拘于紀年賦欽遇生民之財成後因軍旅之 奇策無解大紛望四海 誅求諸軍衣糧 不時而兄食者坐享富貴災異論 力多作無益侈靡成風利源酤権己盡而年利者尚肆 言路壅蔽面誤日聞恩倖持權貪養得志縉紳賢能陷于黨 之帝即命虚中草部略曰朕以寡昧之質籍盈成之業 更革葵端俾人心天意回則備樂之事將即可以 動王之即宣兩邊樂敢 任

欽定四庫全書

今各率眾勤王能立奇功者並優加獎異草澤異材 為國家建大計或出使疆 中又請出宫人罷道官及大晟府行幸局監諸 並許直言極 方忠義之人來 台古 河 師中令以本路兵會鄭洛外援 經略 諫 使 帝覽之曰今日不各改過可便施行虚 狗國家一日之急應天下方鎮 姚古秦鳳經恩使种師中將兵入援時 外者並不次 河陽内 任 用中 外臣 衛京城 局 郡 務 縣 守 能 . 庶

宋史 紀事本末

之畧永念累聖仁厚之德涵養天下百年之餘豈無

檄 日 之議 合古 子 命宇文虚中為 肅 日 敏入對具以綱言白帝帝即 宗 以 部 豈非欲委太子 位 師中 明 靈武之事不 號不 帝東幸之意益 皇 兵馬令直赴汴 徔 足 せ ンス 河北 借之上聰 捛 建 徠 河東路宣諭 ンス 天下豪 决太常少你李綱謂 留守之任乎令敵勢猖獗非 號 京 明仁 不 應 足以 恕公昌 援 傑 召 綱 **敏日監國** 使護其軍虚中 獀 唐申以吴 敬為 邦 而建 不 為上言之 號 可乎 敏 日 之議

定

四庫全書

台天下若假皇子以位號使為陛下守宗社 下詔 留李邦彦語敏 在呼吸間 退居龍德宫皇后為太上皇后以李邦彦為龍德宫使 死桿敵天下 禪位于太子 固 解不許遂即位尊帝為教主道居太上皇帝 猶守常禮可乎名分不正而當大 綱 猶 桓 可保 所言書傅位東宫四字以付蔡彼 自 帝意遂决 稱日道居皇帝太子入禁中被 辛酉宰臣奏事帝 收 將士

上疏曰皇太子監國禮之常也今天敵入攻安危存

自金人 欽, 圍 不 好 大 宗靖 鄴 女口 姑 至慶 原 相 行從之 潘二州 犯 康元年春正月丁卯 韶 i 京 늗 源 路開 東 府 倭下求言之 幹 威武軍梁方平師禁於屯於 淮 西两 甲子 城 喇 F9 布欲選郭樂師日南 金 開言路 浙 詔 某 将 朔 事 幹喇 部 中 兵入 閉 稍 布 禤 之語 外 緩 陷 則 臣 庶 信 陰 朝未火 戊 徳 直言 沮 府 歀 辰 抻 金 陽 之當 た 斡 有 瑪 河 失 時 答 備

欽

庫

全書

なし

攸 定

吳門

敏

副]

2

遣給事中李都便金告

内

禪

且

遂 保 旋 金 師 將 横燒 守河我宣得 滑 叛 行 金將達呼布奄至方平奔漬河南守橋者望見金兵 取 命侵 無復隊伍 11. 94 幹明布渡 亦 舟 橋 而 軼邊鄙 望風迎潰官軍在河南者 以 渀 迤 渡我逐蹈滑 河 河 金人笑日南朝可謂無人若以一二千 凡 叔 五日 3Ł 即 掠吏民雖 下詔 河東路制置副使何灌師 騎 親 兵方絕步兵猶未渡也旋渡 94 征語日朕 在續承之初敢忘 巴已何灌奔還帝 無一人禦敵 いく 金 國 渝 負 盟樂 金 盟

ख

宋史紀事本末

十四

為親征行管使吳敏副之聶山祭謀軍事 自太原還京適上皇南幸貫即以是軍自隨上皇過浮 募長大少年號 勝捷軍幾萬人以為親軍環立第舍及 太上皇帝行宫使宇文粹中副之奉上皇東行以 合行事件令有司並依真宗皇帝幸澶淵故事以李 之重事非獲已兵出有名已戒六師 與午上皇如亳州於是百官多潛通初童貫在陕西 衛士攀望號團貫惟恐行不速使親軍射之中矢而 躬 行天討應親征 以蔡攸為 避敵

王之師 之今日之計當整 豈有如都城者且宗廟 官李綱日道君皇帝學宗社以授陛下委而去之可乎 京師戒嚴宰執議請帝出幸襄鄧以避敵鋒行營祭 帝黙然太宰白時中 帝 問 誰可將者網日白時中李那彦等雖未心 飭 謂 軍馬固結人心相與堅守以待 社 都城不可守綱曰天下之城池 稷百官萬民所在拾此 欲 勤 何

路者百餘人時道路流涕蔡京亦盡室南行為自全計

山

籍其位號無將士以抗敵鋒乃其職也時中念

以人 鈥 都城綱 神 蹈明皇之 カ陳ー 然帝意稍 廟 治兵願 日李綱莫能 楇 朝廷毀于賊手今四方之兵不日雲集奈何輕 不可去之意且言明皇聞潼關失守即時幸 曰 泣 以 朕 定顧綱曰朕今為卿留治兵禦敵之事專 渟 覆 不 死 報 俯 職子會內侍奏中宮已行帝色變倉 将兵出戰否 能留矣卿等無執 73 伏以 汉 死邀之會燕越二王至以 網為尚書右丞東京留守網 綱曰陛 朕 將 下不以臣庸 往陝西起 兵以 固守 懦 為 蜀

歃

定四庫全書

陛 乎 幸不已帝從之欲詰旦决行 呼萬歳 六軍父母妻子皆在 乘 皆日願死守綱入見日陛下已許臣留復戒行何也今 興已駕矣綱急呼禁衛日爾等願守宗社乎願從幸 以樂之帝感悟乃召中宫還禁衛六軍聞之皆拜 下朝與為衛且敬騎已與知乘與未遠以健馬疾追 辛未帝御宣徳棲宣諭六軍始定国守之議 都 城願以死守萬一中道散 質明綱超朝則禁 帶 擐甲

Ē.

de data

宋史紀事本末

大

責之卿勿致疎虞綱倉皇受命

具夜宰臣

綇

道 岡 之戰守之具 勤 高世則使其軍未至遇金使吳孝民來因與偕還是 導金兵先據 副之治都城四壁守具以百步法分兵備禦令肆 李 馬四 王兵 以為擊之便帝竟從 監 為親征行營使以便宜從事侍衛 入 獲 馬二萬 援 粗 畢金人已抵城下矣 之帝召晕臣議李 癸酉幹喇布軍抵都 匹易豆如山益郭藥師 邦 彦命處部員外 邦 彦力請割地求 城西北 壬申遣使 都 郎 熟 拮 鄭望之 知其 據 揮 督 牟 使曹

者李 詹度且言曰上皇 衆 蔡京家山石疊門壯士絕城 敢 夜金人攻宣澤門 百餘人金人 死士二千人列布拐 好 金使吳孝民入見問 仍遣親王宰 行 帝不 安口 朝已往 有 以大 許 備 相 而 命委税 詒 子城 船 及 数十 軍前可也帝因永大臣 間 不必計今少帝與金别立 納張報事令執送童貫譚 道君已內 而下斬酋長十餘人殺 順流而行李綱 細 船至投石碎之及運 13 安危 禪至旦乃 在此一 臨城 P 使 誓

布 者 疋 글 盛 和 李 曾 徒 出 三鎮 當 幹 兵 徒以少帝之故欲存趙氏宗社幹喇布謂之曰汝家京城破在 税 þ 輸 怯懦 金 南 亭, 金五百二 之地 向坐棁 E 誤國事也不聽遂命稅使金軍稅至幹 為 紙付税遣還税等唯唯不敢 而 伯 萬 以宰 北面再拜 久歸燕雲之人在漢 兩 相 銀五千萬兩牛馬 親王為質送大軍過河乃退 膝 行 社 在 馬 項刻 前恐怖丧 我恩大矣令若 者 割中山太口 当 亣 指一言派 頭表段 レス 膽 劔 兵 失其 欲、 原 百

鉑

疺

匹库全書

得 帝從 其眾数千人何灌力戰而死 片日 何 需金幣竭 督戰募肚士絕城而下自卯至百斬其首長十餘 郭 金二十 金使蕭三寶努耶律忠王內等偕來九金人所邀求 以立國至於遣質即宰相當 金議帝乃避殿減 藥師教之也 萬 天下且不足況 兩 銀 四百 乙亥金人攻天津景陽等門李 萬 膳 九七七岁本末 括 兩 丙 都 子李税至李那務等力 而 借 城乎三鎮國之屏蔽 尺 都 城 間 往 親 金銀及娼優家 巴空李綱言 王不當往 金 若遣 验 割

輕中國 去 有 狐 帝慰 三鎮 已成 軍 士 姑與之議所以可不可者宿留數日大兵四集 深 其言遣 諭 稱 而 而 ヘ 錐 張 之日 伯 金 和可久也季 不得所 邦 大 幣 沈 昌為計議使奉康王構往金軍為質 金皇帝 2 卿 晦以誓書先往併持三鎮 第 数 出治 又不足較帝 欲 邦 亦將 姓大宋皇帝金幣割 兵儿 彦等言 事 當 都 黙 此時與之盟則 城破在朝夕 徐 狱 逼之綱 網 不能 地造質 地圖 奪因 退 尚 則 不 誓 歃 求 何

鉑

八四庫

生き

夕 皇帝第九子幸賢妃所生也 康王與邦昌未筏渡場自干至夜始達金營康王道 意身自為質及行乃邀帝署御 師道至洛開幹喇布己屯京城下或止師道言 敗之金師暫飲西路稍通援兵得達 甲辰都統制馬忠以京西募兵至擊金人于順天門 瑪哈軍于河東 丁亥种師道督涇原秦鳳兵 辛已道君皇帝至鎮 批無變割地議帝不 乙酉路允 迪 君

ここにおしま

敵

成點稱金國加大字初

邦昌與邦彦等力主和議不

郝 顉 方 道入見帝問日今日之事柳意若何 西兵百萬 岩 人知吾來士氣 形 銳 也女真不知兵豈有孤軍 見情露私 稍 願 為老种帝間 韭 少 駐氾 劔 來遂 游 騎 取辱 水 白 但守车點問 抵 レン 京西題汁水南徑逼敵管金人 其至甚喜開安上門命李網迎勞 振 馬 謀 何憂 今鼓行而進彼安能測 萬 全師道曰吾兵少若是回不 深入人境而能善其歸乎 敵哉揭榜沿道言种少 增 聖白衛 對回臣以議 時 師道牛 八我虚實 高

鉱

定四

庫

全書

家 城 图 回 如 院事 肩 禮 臣 退 上嚴 城 市 西土不 髙 鱮 レス 即 軍 與 顄 充 兵 數 十丈栗 朝 之戰 笑 京 旅 拒 畿 之事事陛下 曰 金 守 四鎮 彼 使 可 レン 為 王 jĿ 待 支 城 汭 卿 數 河 Ž 勤 東宣 地 故 在 I 华 之師 也 不可攻 潮 廷 徐 不 一無 素 自 非 宜 所 敵 使 割 颉! 不 師 敢知也遂 頏 與 也 踰 渡 亦可業巴講 請 迎八十里 望 道 数 河 見 聍 京 月 於 師 師 被 城 敵 誻 遒 拜 内 病 自 拜 同 命 劄 如 困 跪 答 盡 册 知 和 尖 樞 對 拜 如

民巴比事本夫

巨

六口

六

臣今

京

師

週

有 師 師 道 遒 餘 道于政事堂 無 給金幣于金 13 番 新菜師道 百 萬 民 曰 不 時 悉為 衆 相 挑 相 公何 拉 公 H 不習 皆 戰 共 俟 請 賊 八議師道 彼惰 與 事 殺 兵 啟 兵豈不 也那彦 八中自是 掠 便 西 講 蹋 畜產甚多亦為 南 見李邦 和 扼 罄 邦 国 闻 兩 聽民出入民始 而 事 素 彦日 狌 殲 古守城 不習 彦日京城堅高 諸 戰 或不足守则 河 rΖ 國家 武 計之上也 賊 事不 者乎 有 無 安之 當 知 時 Ē 帝 又 出 有 偹 故 回 缥 閘

歃

定

四

庫

全書

言 李 此 賊 而 重 金 師 金 細 道笑目 萬 人貧 地 與 綇 師 而 高 閉 不悉令城 虎 婪 道 吾 求 門 合 豹 勤 無 亦 不 νス 而 大 逍 王之 厭 自 ೬ 产悖 投 那 荒 城 日 外 肆 師 陷 彦 北 涿 穽中 日 屠 耳 張 不 何 具 甚 珹 撤 掠 從 也 左 工其勢 當以 去屋舍 下者二十 右 邦 四 皆笑時 方 뇱 彦 計 口倉卒之際 非 勤 朝 取 用 廷 王 之不必 、議人人! 其所 之 餘 師 日 師 騟 萬 不. 治 可 漸 金幣 被 異 且 與 至 不 レス 敵 角 李 于 狐 同 聪 金 兵 細 惟

西 力 上流 欽 氏乃 巨室 必 態 敵 定 營 力若 勝之計也帝深然之約日學 令 鈥 庫 城下兵級急聽平仲節度帝日遣使趣師 云士不得速戰 솭 姚平仲以父古方即 後 堅 ·其弟 全書 扼 レス 靡 勿戦 檄取誓書復三鎮 河 師中至因奏言過春分乃可擊時 慈 沙口 周 餇 道分兵復 有怨言帝聞之以語 亞 夫所 熙河兵入援慮功名 絲 **ソ**ス 事种氏姚氏素 其北歸半渡而 畿北 困 上國者 諸邑 而 决 李 其 細 レノ 道 食 稻 為 擊 重 綱 盡 弱! 山

x.

义紅爭本末

之平仲方於金候吏覺之幹喇布遣兵迎擊平仲以歸夜半帝遣中使諭李綱曰姓平仲已舉事仰 総八日帝以為緩平仲請 - 林亡去李 母タ以數 意者今夕再造兵分道攻之亦一奇也如 臂弓 仲即步騎萬人夜 射 却之師道復言到秦己誤然兵家亦有出李綱率諸将出收遂與金人戰于幕天坡 千人擾之不十日賊過矣李邦房等畏 将 斫敵營欲生擒 出收遂與金人戰于幕天坡 宋史紀事本末 先期學之 二月丁 幹 喇布及取 ~ 猶不" 画 勝 康 兵 谏 其 レン

姚平仲失利 得 麽 李 責 東南 不果用 那 親 網 且請更以 姚平仲耳 征 U. 兵二萬 恐懼涕 行 營司時宇文虚中開 刦 答 企 援 兵 幹 人以便 泣康 非 非 池 王為質 喇布名 朝 朝廷意大臣皆不欲行虚中承命 西 廷意也 王不為 來 直起李選領之令駐于汴河 者 諸 皆潰虚中絕而入京帝 **汭至李邦彦** 戊戌罷李岡、 動 使 附京急即日 金人異之乃使王 者 沿話責用 歸 川兵違誓之 収 拾 散 衙 汭 - 庄 金 卒 乃

定四庫

全建

产 身。 割 白 店 邦 而 等不 時 地曾 勇 宫 不. 往 等 菜 恒 1 顏 乎 不 疾 國一張 又 那 國 杂 如 計 レス 家 争 沂 ル 昌 不 無 長人之計 李 謂 雠 任 矢口 = 棁 抖。 那 J. Z. 社 天下之重 2 其 稷 生陳東等上書子宣 温 四 人成功因終 之城也陛 鎮是棄 徒 等 能 庸. 謬 所 保 欲 終 河 不 金 謂 沮 才 入 下: 李 此 沮 社 是嫉賢能動 败 不 扳 细 也 旦邦彦 棄 細 嫉 泧 復 败 河 中 盟 北 盃否 相

令 朝 樂 湖 捣 和泉數其罪而馬且以明而 戶那 不可不謹書奏軍以明 泉 退泉 南 奉 衡 \P____ 盖 其罪而爲且欲歐之邦彦疾驅之是養剛」五次題外付种師道宗社存亡之表養剛鼓宣呼動 號於泉 八其肯 罷 而 磔 、之并殺 水 曰 已壞 得 內待 一音宣綱 2數十人知 矣 者數萬人會邦彦 神道宗社存亡在: 内侍 侍朱拱之宣 開 封府王府 細 13 為 復 盲 用

者 道 之不退帝顏户 露丹周匝圍之久乃得見康王次日侍 文虚中冒鋒 會朝廷將 我公也相塵聲出而散 韶 右丞充京城四聲 伏殿上書王時雍 師道入城彈 用 楊 鎮至金管露坐風 部 時 尚 為 書 防 壓師道乗車而至衆蹇篇視之日 ·弄昌件 禦 祭酒復遣聶昌宣諭然後定 欲 盡致太學請生於獄人人協 明 使 El 既 出諭古 沥 詔 埃 都 該士民殺內待為 自己至 人又言願 諸 王至金幕府 生乃退乃復 申 见种 金 首

Ł

E 9

5

de data M

宋史紅事本本

用 日日 吴 令 下令能殺 守文虚中很奉 湿 定三鎮界方退軍 俟 金 幣 金 謟 和山 一人近城 數足遣問 割 併 抵暮遣王內 三鎮 歌 、晰 馬曹晟等 者厚 部 不 地 赏泉 得 以昇 如金 明 日帝 軓 膪 與 施 無 金 虚 夫 光裔 不奮躍 中入城要 割 祁刀 金 命 三鎮 石 金 肅 銀 将! 來告辭退 騾 王往代質康王 犯成豐門祭 金人稍 地 士 馬之數且欲 此幹喇布得 積 越王及李 愤及李 稍 師 31 邦 却 概 さら 狠 御 部司 號 邦

道 得志益輕中國秋冬必傾國復來禦敵之俗當速 今開三鎮之民已死拒之三鎮拒其前吾以重兵蹋 之要審也自周世宗迄我太祖太宗百戰而後得之不聽 楊時上疏日河朔為朝廷重地而三鎮又河 彦立大旗 曰異日必為國患御史中丞吕好問進言于帝曰金 栾 之北人使敵騎疾驅貫吾腹心不數日可至 だれ 河東河北有檀去兵者並依軍法 為朝廷重地而三鎮又河 种 師

王從之京師解嚴种師道請乗其半濟擊之帝不

愁 而 数 星未乳 與 抗 (f) 狻 五十里之遠犯 亦 四庫全書 ت 尚 疏 是 中型 可為 台 国 而 間 問 称 也若 方器 馬 **到力** 全 不从上人人 涎 非 ·爱我 种 败而 疏 上帝部 盟之大者臣竊 自 師 都 灰 雨 五 相 道 錐 2到光世 不攻 户 破 11. 道也被 開 出 絘 大 再中和 潮 ボ 師 廷割三鎮三十州 皆一時 王 初。 而 九部議不可得也, 誠 初 者多 與之約及河 馬品 派無有, ·廷宜以 名 将 始 紦 至 面 極: 而

謂

朝

潚

定

成 功 送出 宜 使 丑种 解 境 勿 兵柄 輕 師道罷中丞許 不 動以起震時大臣 蘸 東史紀事本 先是 足瑪 翰言師 哈 政 令矛 圍 道 /名将沈 太原悉 盾 故 破 迱 有

等

各以

兵

勤

王儿十

餘

萬人至汴城

下而

斡

喇布已退

將

者

代

之不

報

時

姚

古种

師道及府

196

肿

扩

彦

姚

135)

责其败盟

必得

肅

王而後己時

大原

圍

阴

數、

月

开

古追留

不

進時又上疏

之該古

νΧ

肅軍

政板

偏

神

李

請

謟

古等追之且成俟其間可擊

則擊而三

省

縣 南 來 乃 分兵南 築 朝 求 獨 瑪 隆 五兵入南 可 城 城 賂 哈還 中 謂 德 辛 防守 府 無 下 臣 以張 人 雲 北關 使 折 沅 νソ 矣 Ber 中 勤 内 府 可 孝 事張 留兵圍 既 求 尺 外 純固守不下 王 越 瑪 劉 兵 ス. 哈嘆 確 剧 光 大 相 世軍 集 太原 通 知威 頭 判趙 白 拘 及 皆 勝軍 製 其 澗 乃 為 石台 險 使 斡 キ 李 喇布議 臻 所 而 如 城 不 クト 敗平陽 韶 肾 植 此 而 與 カ νΖ 矢石不 金人叛盟 我 城 選 凡 和 降 乃 府 瑪 亦 蛤 叛 怒

定

四庫

道為 膧 廷以大 副 73 河間三鎮保塞陵寢 河 請 之古總兵援太原 北 合山東 河東宣無使 敵 南退不宜勞 陝西關河卒屯洛 是罪州州 師中援中山河 所 師 在誓當固守於是 姚古為河 示 弱 褙 格 不 孟 用 滑 間 北制 師 偹 胪 置使 中 金 道 种

罷無又部

金人要盟終

不可

保

今尺

瑪

哈深入南

其元主和議李邦彦奉

使許

地李税季

鄭望之

徳

泥先败原

約

朕風夜追咎已點罷主和之臣其

大大

原

宋史紀事本末

产坛





自

皆固守不下師中因進兵以逼之幹喇布遂出境 意當可以退朝廷疑不用幹喇布行至中山河間兩 遺李 避暑還雲中留兵分就畜牧胡者以為将通告于 太原圍不解語种師道與她古進軍相為将角師 卯 次平定軍乗勝復壽陽榆次等 復威 綱迎太上皇于南京 りり 夏四月已亥太上皇至京師 **庚寅姚古復隆德** 縣 留七真定時尺 府 丁丑

上言足瑪哈 至澤州臣欲由邢

相

間

捷出上黨楊其不

定

四庫全書

三 胨 師 統 制 回 阴师 焦 趟 P 安節妄傳 饑 榆 以麾下死 抵 壽 甚敞知之悉象 次至殺熊嶺去太原百里 陽之石坑為金將完顏和尼所 足 戰 瑪哈 自 卯至己士卒 攻 將 右軍 至 故古 右 1與瀬皆 姚古將 於 軍 神 溃而前 符弓 製五戰 兵至 失 射 軍 期

H

辦

嚴

約

姚古及張灏俱

進而

輜

重赏捣之物

岸

不

乎

翰信之數遣使趣師

中出戰责以追抗師中嘆日运

兵家大戮也吾結髮從軍令老矣忍受此為罪

師 1

四車全書

欽

텕 金 胪 師 不` UI 奔氣 李 創 遒 禦 白金兵退送置選事於 網名安節斬之安置古于廣魚金乘勝進兵迎古于盤陀 カ 敢之策報為 病 疾關死師中老成持重為時名將既戶言 資養不及時情怨散去所留才百人師中身 疾 辉 ئے 歸 潜 アງ 耿南仲 νX 細 為 兩 使以代 等 不 所 河 李 宣沮 撫 及 姚 細 f1K. 古 使劉 姚 猫 贈 古种師 師中少 以為憂數 細 既死諸軍 盐 言臣書生 副 隆德事 之以 師 敗 上 俗

為制

置

副

翰 槿 赤 Jt. 小不允星陳言 或 得二十萬 知兵 恶 賜之宣 15 去 調 誤 在圍城中不得已為陛下料 杜 么 然 國 事 郵二字 則 曰 12 都 庶 撫 因 **灬事皆表** 拜 司 如此 知 所 レス 無 辭 兵 不 遺 辭 僅 以進行之意乎此 可 不 去、 許退 下湖公不, 集 萬二千 綱 朝廷帝以其為大臣 湖 細 乞展 而 不得已受命帝手書裴 起 移 疾乞致 上怒且不 細 行 請 期 理兵事今使為 非 上批 氽 八仕章 綃 調邊事 錢各百 は為 测 茶何 游 説 餘 許

\(\frac{1}{2}\)

火又但事本木

上年則進下 中期往下 之義上為感 無 四言 自度不能 甚 降韶龍所起兵納上疏言秋高馬肥敵必深入 修整器甲之屬進次德州造戰車期 敦 動 有 七刀 陛 為 辭又為上道唐 即 死 理 秋 敢臣之願 七月李 當 臣 ソン 求. 去 愚直不容於 陛下宜察臣孤忠以全君 細 赴 也 萬 啊 恪聶昌之奸 河 內留河陽十餘、 朝 朝 廷執議一 使 既 住之 行之 不 臣 13

命趣名數四納入對帝曰

卿為朕巡邊便可選朝

後時有所號名無應者矣疏上不報趣赴太原網乃遣又皆散遣且以軍法勒諸路兵起而以寸紙罷之臣恐 東日告危急未有一人一騎以副其求奈何甫集之兵 解潜也威勝軍劉 社安危殆未可知防秋兵盡集尚恐不足今河北 無司徒有節制之名多不遵命綱書具論之難降 三道並進時諸將皆承受御畫事皆趣達進退自 張思正等屯汾州治瓊屯南北關皆去太原五驛 萬七遠州幕官王以寧與都統 制

統額 欽 師 韐 一た是威勝 制張思正等夜襲金人于文水敗之巴酉復戰師與金人戰於文水敗續丁未幹喇布犯真定戊申道為兩河宣撫使名李綱還 庚子河東察訪使 者 道為兩河宣撫使名 定四庫全書 兵溃潜與敵遇于關南亦大敗 而承受專達 數萬 勝攻太原 四人思正奔汾州! 坠. 德 如故於是劉翰兵先進金人併 李 汝晉澤絳民皆渡 網ス上疏 罪終民皆渡河南奔州縣皆空州都統制折可求師潰于子夏 極 論節制不專之與且 八月丙申復 カ 之

尺 質 親 不 人甚衆 得 瑪 率擊 及范 赤 哈 歸 留 執 路進兵 其 贰 世 政 グ 幹. 敵 喇布 結 使 會以 雄 レン た /中 臣 金 館 賊 レン 恭 人願歸 伴 いく全 蕭 復 議 湖 和 邢 冲 南 伊 分 都 凿 力. 倞 恭 兵 止 制 大 诣 日金 綱 至因 ルン \nearrow 國 潦 宼 相 進 吾 貴戚舊 國 兵 薦)孤軍不 可 當 先是 為宣撫 結 有 知 涮 <u>*</u> 耶 月 赤 朝 ٧ン 臣 求罷遂代 不 廷 若 律 遣 而 圖 伊 ルン 判 合大兵 肅 都 用 斡 其 官方 事于 副 者 王 喇 布及 趙 為 選 欲 顉 倫 金富 契 丹 所

北 聞 每結宋以復怨于金吴敏勤帝致書課王由河東于金主又麟府即折可求言意 混王雅里在西夏 於雲中幹明布發 賜 先是遭劉本李若水分使金軍以求緩師本等還 七國之成 信之乃 哈為 倫 絹 副 倫還見幹 元即幹 喇布為右 蠟 174 喇布即以蠟書 書村 **庚申遺給事中王雲** 副 倫 致之伊 元即分道南 獻 之幹 都 使 浸 西夏之 '為内 尼

欽

定四庫

全書

瑪 廟 百 金 中太宗 遂陷孝純被 居之號 哈 六十 論三鎮至是乃遣雲往許以三鎮賦 自 雲中復 太原始 日 御容赴汾水死通判方笈轉運韓揆等三十 城中軍民餓死者十八九固守不下至是 元帥 至東 執 府巴而歸雲中留民米大首攻圍 尺瑪哈 久攻太原不下乃 既又釋而 勝 以急攻, 用之副 知府 張孝紀力竭不能 都總管王禀負原 税 た城下 築舊 九月 丙 支 雷

喇布止索歸朝官及所欠金銀尺瑪哈

則

深、

欽

定

四庫全書

宋史紀事不本

괘 玅籾 孔。 意 回為 之衆大戦 麾下多 肺二萬 及戦 人皆 據 州 被害 關 大河守禦使 乃為麾下所害時 出天門 朔 不克復越山取道松子續至於交城遇足 涉大河 移時可求遠來勞不 人尼瑪哈驅 祁刀 開以援太原 朔 由岢嵐憲州 州守臣 折彦質為 府州守臣折可求亦 朔 猻 之父老以示 翊 翊 将出天門 河北宣撫副使從 離 河東名将也領 放逸亦 朔 未然而 敗 關 翊軍軍遂 レス 朔 丙 援 統 2 兵由 戊以 麟 降 何 瑪 原 府

總東道事得專決財得專用官得辟置兵得該賣緩急 是真定即劉幹守禦备具總管王淵 王襄總西道知鄧州張叔夜總南道知應天府 数千皆可用敵不敢犯是時真定在河 喇布戰于井陸敗鎮幹喇布遂入天威軍犯真定先 νΧ 됌 檄 召之入衛京師 冬十月丁酉 鈴轄李質 种 朔最 師 訓 胡直儒 関 及 金

之請分天下二十三路為四道建三京及鄧州為都

分總四道兵以

知

大名府趙野總北道知河南

府

割 自 以書責 甚 游率 泉畫夜摶戰久之城 其弟曰我大將也可受賊戮乎因 李巡代守真定邀措置無策至是敵攻甚迫鈴 縊 居持其書於上前 日陛下既不割三鎮之地又安 太原危急命輪守遼州以據其 死李邈被 問 契丹梁王及伊 執 3E | 去 都 陷 戊 淮 戍金人遗楊天吉王 **竧卷麾下稍稍散亡** 書 殿又辟 并元來割三鎮 挺刃欲奪門出 淵 質白" 汭 隨

欽

定

四庫全書

忍復欲立契丹之後上曰此

乃好人所為也畢詞反覆

畿 乃請 B 丞 加其主 亚集湾 許 其 **ゲ**ス 10 誤國坐貶知東州帝 衛 而攻器自 好 '京城疏入不 疑 問 朝 7.廷之罪 癥 相 滑 溡 顄 號 邢 金 猶 相之成以過奔衝而列 人復至大臣不 仍索親王詣 如 語將 レス 敵請必割三鎮且求金帛車輅 省金人陷真定攻中山上下 宋史紀事本 木 和 議為解好四 以和議 憫 其忠下遷吏部 彼 故 軍前 和 所 占 問率臺屬 出遣 阴 陳 廯 勤 謝 王之肺 侍 不 使 出 講 罷 劾 大 好 解 御 震 于 臣

京痛語 得便宜行事 辛 克 五上間 其鋒以守樂事付將即 止接兵時南道總管張叔夜陝西制置使錢蓋各統 使王內來禮甚侶知金必大舉即上疏請幸長安以 乃衣朝服焚香南 金人陷 定四庫全書. 徴 兵于四方命河北河東諸路即臣傳檄 汾州知州 河南巴失太原河北已失真定大以為憂下 丙午韶 向 張克哉畢力扞禦城破猶恭戰不 拜舞 种師道還先是師道駐兵河陽 朝廷謂 自引决一家死者八人 其怯名還 所

吾赤子棄地則并其民棄之為民父母而棄其子可乎 與會李若水使歸亦慟哭於庭請與之以舒國禍何來 姓因匮養数十萬兵于城下何以給之乃止兩道兵勿 日三鎮 前 不 耿南仲等力主割地東論辨不已因曰河北之民皆 割亦來梅執禮日好問洪獨秦槍等皆主東議而唐 赴關會唐恪耿南仲專主和議語同知聶昌日今百 已已能集從官于尚書有議割三鎮百官多請 國之根本奈何一旦棄之且金人無信割亦來

言 欽 東與之戰勝負未可知不若加以虛聲遂取戰鼓 而軍 畿清 原真定已失不若任其所之恪唯唯遂部河北河東 悟乃止 泉退間恪曰割三鎮則傷河外之情不 相 定四庫全書 哈 隆德軍澤州皆陷官吏棄城走者遠近相望五申 動 至河 者 野令流民得占官舍寺觀以居禁京師民以 李回以萬 外宣撫 時足瑪哈自太原超汴所至破降平陽 副使 騎 防 折 河 小彦質以公 亦至河上尼瑪哈 兵十二萬拒 回 南 割 浮

迆 中年 達旦彦質之衆皆潰李回亦奔還京師甲戌金和尺 請 瑪 西道 何 東先渡孟津足瑪哈 從之於是知河 盡河為界於是京師戒嚴遣馮 哈 如若水曰成兵畏敵而溃 宁河 都 既 渡河不復言三鎮直遣人來言殺盡得兩 總管王襄皆棄城走永安軍 兵 相驚以為金兵至左右 奈 何 解李若水往 使行 效之今止有 謀 鄭州悉降 陽燕瑛河南 取 間 道 去 于 湖 留 河 金

欴

Ē

四車全書

宋史紀 事本末 始

言退者斬衆乃定既行

知和議

必

不可踏

壓

附

忌之語於市人中訪得無忌於龍衛中得京好事者言 言之乞申的守备 以禦金先是務傅因讀丘澹感事詩有郭京楊適劉無 丁丑以郭京為成忠郎選六甲

自募兵無問伎藝能否但擇年命合六申者所得皆市 京能施六甲法可以生擒金二将而掃湯無餘其法 七千七百七十人朝廷深信不疑命以官賜全帛數萬

三百可致太平直襲擊至陰山乃止傅與何県尤尊信

旬日而足敵攻益急京談笑自如云擇日出兵

募泉或稱六丁力士或稱北斗神兵或稱天閥大将大 羞 南仲以老辭改命聶昌昌以親解陳過庭日主夏臣辱 傅言若告他人將坐泪師之罪揖使出又有到孝竭等 之或謂傅曰自古未聞以此成功者正或聽之姑少付 傳怒日京殆為時而生敵中琐微無不知者幸君與 兵侯有尺寸功乃稍進任今委之太過懼必為國家 刺布亦遣使來議割兩河地帝許之命耿南仲往 效京所為識者危之京當日非至危急吾師 不出

李 而 昌 商之初 與果 持 效 萬一為 部 匹 月 在 意 幹明布車 死帝為揮 八 堅請割 拡 所執 南 城 進 デ 位 仲 经良 涕太息而怒南仲及目乃即命南 在 為東宫官十年自 昌 死 的地以成 已上心 而 如: 不 文河東 尼瑪 瞑 登 乳 目 和 不 矣行至絲絲人果堅 轄趙子清定象殺昌 好故 能平故母事異談力 哈軍 朝廷戰守之俗 調首當 昌 自言兩 柄 用 河之人忠 鲜 而 抉 吴 拒之 沮 其 E

師

日逼至是與金使王內偕行至衛

-14

衔

紡

定

為 其 人同 都監超士許 敝 餘安國一門 誰 献 東 安 安國日守臣安國也問 辭 北 問待制城竟陷尺 國 脱去南仲遂走相 鄉望拜 對回 被圍杆架不遺餘力門 無 張諶于潜賜遭將 淵 噍 等與知州一體皆不肯降 皆不屈乃解衣面 類 乙酉 瑪哈引 44 餘人通判 金 甲申金人入懷 安國 澧 斡 沈敦張行中及隊将 縛殺 兵 喇布自真定超汗 亦至 林 以下 淵 十三人而 鈴轄 問 相 た 瑪 不 與 張 哈 降

運兵所獲唐恪計無所出密言于帝曰唐自天實而 箭手七萬人 僅二十日至城下屯于劉家寺尼瑪哈自河陽來會屯 仲辛永宗分領之以五萬七千人分四群守禦遣使以 耿南仲遣還於是四方無一人至者城中唯衛士及弓 青城使劉晏來要帝出盟時西南兩道接兵為唐恪 定 四庫全書 行 出關 乃以萬人分作五軍俗殺急救護命姚 台兵又約康王及河北守將來援多為

萬 間 論 見之軍容甚藍入對言賊鋒甚銳願 地回 德故事留太子居守而幸西洛連據秦雜領天下 山暫請襄陽以圖幸雅帝頷之加延康殿學士時東 餘人至尉氏遇金游兵轉戰而前至都下帝御南薰 名 即 周之失計未有如東遷之甚者帝翻 以圖與復帝將從之開 今當以死守社稷 Ħ 削 将中軍令子伯奮將前軍仲雄将後軍合三 已丑南道都總管張叔夜 封尹何東入見引蘇軾 ~如唐明皇之避 既然而改

たしに事な木

至 城 其 飯 執 金人入青 炮 下 金 レン 皆感 中午雨雪交作 架 人示于城下 管 成立戊戌殿前司城攻車 五: 胡 想車二驛召李綱首 造沸金 高 樵 直濡 師 赤 旦死之祭卯金人攻南蘇張叔 金人攻 将兵入衛 都 人大 帝 攻通津 懼 與 為資政殿大學 関月癸巳尼瑪哈 甲與金人遇于拱州兵司 門 城以 幸宣化門乗馬 數 宗 百人絕 御 港 膳 賜 與 金人 城 士卒 禦 行

全書

質 因 士 王兵兵無至者城中惟衛士三萬可用然亦十失五 卒噤戰不能執兵有僵仆者帝徒既 時 上日朕為人子豈可以父為質語越王往将行 只湏 隍死 挑 僕 戰 者以千數甲辰大雨雪金人陷亳州乙已大 斬其金環貴將二人送見金兵奔還自相 射何東議事又請上皇皇太子越王郭 以示敢敵。金人遣蕭慶復來言不 祈 晴名諸道 須 ì 王為 而 尼

之大戰

飲

定四車全書

哈以兵來还越王乃止於是金人宣言失信

再遣

宋史恕事本本

范瓊以千人出戰渡河冰裂沒者五百人自是士氣 倻 如 而 人下城母得竊窺因大放宣化門出攻金師京與 何與數趣郭京出師京 夜坐城樓上金兵分四異鼓課而前京兵敗退走 率天下兵入援帝從之 攻城愈急殿中侍御史胡唐老請拜康王為大元帥 趣親王出盟已酉記遣馬解曹輔 與宗室仲温士訴 金軍以請和既至尼瑪哈 即遣之歸不與交一語已 從期再三丙辰郭京盡令守 壬子金人攻通津宣化 益 PE

此衛士入都亭驛執金使劉晏殺之軍民數萬谷左掖 兵皆潰金人焚南薰諸門統制姚仲友死於亂兵官者 父子力戰帝開城陷 廷慶奪門出奔為追騎所殺京城遂陷張叔夜被創 法因下城引餘兵南追金兵送登城兵皆披靡四聲 經國赴火死統制官何慶言陳克禮中書舍人高振 與其家人皆被殺秦元領眾斬闘追四群守禦 **慟哭曰不用** 种師道言以至

文史紀事本末

死于護龍河填屍皆滿城門急閉京白叔夜口須

自

欲 欲 鉑 **(未合恐** 胃 宣抗 狳 邀 埞 求見天子帝御 匹母全書 後 重 傅訶之宣以 乗 臣 圍 聲回國事至此皆宰 動 與犯園而出左右奔氣獨 勤王之師 回 追 衔 可可 初 上以 幹喇布之北還也以 輕 耶 出 語 樓諭遣之衛士長將宣率其眾 侵 有以乗之既退之後為宋計 宣 誠 盐 傅 為忠義然東與将駕必甲乘 好問譬晚之曰若屬忘家 服 旧尚 相 信 書 絲 任 好臣不用 真知軍情應其 傅梅執禮品 尼 瑪 哈在 直言 者宜 原 好! 數 百

飲 棄守之利害故金人嘗語宋使日 間 圍 曰 渡 定四庫全書 梁之門 自女真 有 逾月外 能出二計 河矣葢當是時廟 月再致金師太 原真定咽喉已 而乃忍李綱种 叛盟以來朝廷乍和乍戰人才乍 無可以係天下之望惟以割地請 援 不至竟以妖 與之抗者是以金人之來 ~堂之相方 師道之言上下 術取取吁可佐 鎮之 待汝家議論定時 將 塞而 15日出於 如 慶以為無虞 破竹 野 和為 猶 作 議三 喜 童 否 吕

堅守 細 而 之李 請 种 更為城守之計既以堅守又以李邦彦一言為果 師 不戦 既: 師! , 贬又以李 綱 道為可用而 道既至又以師道一言為 方議 以困敵 备邊師道亦請 **以未幾以** 細 復之及其 种師 道為誤國 姚平仲一言為急擊之舉 後也又以臺諫之言 防 秋 不和之謀師道方 諸 朝廷之議界定曾 生伏關又以 李 請 而 辭

閲

月五

吴敏耿

南

神、神、

謝克家孫

夏又以三邊為可

沟沟多變之甚也冠至之初

始

謀避狄以李綱

所

言

集 不 議 稍 和議復行矣吴敏本主和議未幾復留金使陰結 又以為 令未幾傳言寇猶未至則又令清野更不施行戰 心猶不決終 者問 た戦 急則恐懼而無 和者 以三鎮存棄之便不便金人之至則下清 女真藉口之資矣二首已分道入冠朝廷 不 一於和至於城已破禍已至而議 始一歲之中多麼若此大抵上下 謀 稍緩則遲遲而又變其謀 本靖? 者 尚 猶 野

過禍

ia ...

1.7

宋 定紀 事本末

益坐此也慶歷元祐專任君子而

去小人紹

聖

崇

馬嗚呼可不戒哉 寧以來專任小人而仇君子靖康之際君子小人雜 今之所議期在割地而已戊午何東還言金人欲邀上 京 欽宗靖康元年十一月辛 · 西帝如青城尼瑪哈軍先是 城 成尼瑪哈幹刺布回自古有南即有北不可相 止帝聞金人欲和而退命何東及濟王相使其軍 既 二帝 陷 何東欲親率都民卷戰金人宣言議和退 ΉŁ 狩 燕 師 用

711 . IN

帝 如 留 降 雪 血 出 不 青 朝 無 郊 レス 光 廷之事 城 為 金遺二首還 止是日霽夜有白氣 帝曰上皇驚憂而 辛酉, 足瑪 采 國主仍去帝號帝 山帝, 哈遣蕭 必 先關 如青 報云其主欲立賢 白 慶入城居尚書首 城 癸亥帝至自金营 疾必不發 何桌陳過庭祭傅等從 出太微彗星見與申日 默 纵、 已朕 对君宜族中! 十二月 檢 當 士庶 視 规 府 壬 徃 戊 奉 及 庫 别 自 表 太 朔

生迎

調帝

掩

面

大哭日宰

相

誤

我父子

觐

無

不

尖 史紀事本末

富者

言 在 涕 可 以為 侧言 括 使 金. 來 且 新 銀 索 回 盐 定 金一 金 弟 京 福 丙 千萬 寅 宫 師 必 王 為 金人 术 不 朝 價 主 錠 太 索京 档 上皇 銀 於 VZ 立賢 糶 ニチ 涎 一奏曰金 城 祖 シス 宗 騾 萬 賑 禍 尺 鉄帛一千 馬 社 有 稷 入以 御 縱 不 時 可勝言 .H. 民. 别立賢 沥 栈 康 紫 萬 F 王 者 荺 母 Ł 匹 韋、 於. 峙 君 + 館 匹

贞

Æ

百

池水死者甚泉

遣

黔

陳

過庭

折

彦

質

索少

女一千五百

充

後

宫祗應官嫡

不肯

鷌 姦臣 西 道 援至颊昌開汴京破西道總管王東南通致虚獨 人怒執送燕焚殺之 衝之皆不戰而潰王似王倚 二十萬赴汴出 副 所 地使如河東北割 韶 誤 總管孫昭遠環慶帥 往 至此吾已辨宛來矣汝等宜勉為忠義報國 珦 至深州城下痛哭謂 武 關至. 地以畀金又分遣歐陽珣等 一鄧州千秋鎮全將洛索 特范致虚會陕西兵十萬人 似熙 狳 昭遠等留陝府 城上人曰朝廷為 河即王衙即步 致 レス 精 與

d.75

化火化罗本末

学五

哈 餘兵入潼 抈 帝 朝 太上皇于崇禮官足 栩 如 金營 瑪

報謝 壬辰遺科昌耿+哈遺其子真珠同金使明康二年春正月辛卯初 何桑 誻 李若水以 **真子金人索金帛急且再邀帝至管帝** 與東若水等復如青城閣門宣記以為無虞勘布行帝乃命孫傳 南 八人入賀市命齊王 仲出 割兩 河 地降金民堅守 謝 克 有 難

师

國

吴草白東曰天文帝座甚傾車駕

太子監

門宣覧舍人

若出必隨其計樂不

曰 相 魰 軍 知 劉 東皆哭帝回首以字呼之曰松仲努 擊之瓊遂以刃斷挽者之手車駕至 而 行帝亦法下范瓊曰皇帝且出幕 中議立異 君 **黔至金管金人** 諫帝曰朕為生堂之故不得 **今用君** 姓 矣 幹回 欲 使 ンン 君為正代 偷! 僕 か射、 生以事二姓 韓正館 與 不親 之僧 其徒死不若 即返矣百 往叔夜 郊 有死不為 力 八含謂 張叔 丙 千 夜 黔 號 姓 割 猶叩 3Ł 曰 慟 國

城百姓數萬人挽車駕

曰陛下不可出號泣不

Ē

日車全書

宋史

紀事本文

华卡

城 事 詣 衣 取 陳 都 之善 南 三君 酌 富 大國背盟致討 薰 貴 欲 巵 人。 必死矣 酒 諫 ンン FE E 點 改差子之從 為 出 雨 ンス 仰天大呼 書 迎 縣 縊燕人嘆 林中叔時 駕尼 抵二首 使 親 諫 瑪 信 日 元帥之職也都城失守社 哈 請車 千百載之下 持歸 有是乎乃手書片 諫 其忠盛之寺西 復 斡 十駕還閥 封之後 喇布留不遣太 報其子子羽等即 **猶** 世君子莫不 其累曰昔楚 国 統曰忠 其 風采本 學生 帝 自 幾 3 徐 如 臣 洛

君父是猶愛人之子弟而辱其父祖與不爱無擇元即 屢矣道路之言乃謂以金銀未足故天子未返於竊惑 之今國家帑藏既空編民一妾婦之飾一器用之做 元即之仁也雖楚子存陳之功未能有過我皇帝親屈 輸之公上商贾絕迹不來京邑區區豈足以 乗兩造轅門越在草茶國中喝喝政望屬車之塵者 存元即之德也兵不血刃市不易肆生靈幾死而 有存社稷之德活生聖之仁而以金帛之故質留 價需

萬

斠 振 تنظره 欽 此 功 抗 旅 不 上皇帝為 定 不足道 時 論 四 金 庫 為 金 ンン <u>b</u> 其 全書 括又分遣搜 銀 時 人 願 所 數足方可還於是再 庶 也二首見書使以馬載 日使 根 推 括 般 惻 人 人求之四, 津 知 隠 . 金 <u>ڪ</u> ٽ 搬 樞 摇 宻 絡 主鳥奇邁得帝降表遂廢 戚 方 繹 院 存 ず事 狱、 里宗室內侍僧道位将 道 始 路 劉 後遣使 終 之惠反其 増 彦 上 待 遣 宗 揆 請 至軍詰 從 使 人奉 郎中二十 歸云 復 立趙氏 獻 君 父 朕 難 則 帝 枸 楚: 揆 班 四 留 不 厲 師

消 於 貇 全 是 及內 不足殺 1 火 丁已金人索 根 萬 屏] 令 枯巳正典刑 封 日得金三十 侍 銀一百十四萬 權 提 府 語 貯 翠 復立實限大行根 扩 納 郊 官 等 時 天 梅 吉 根 儀 金 冬 萬 括 執 併衣段四萬 制 銀 有 巴申 禮 尚 及 密 等四人 圈 或未足當 澈 7 兩 籍 括 金銀乞搜取二首 縋 銀 凡十八日 六百 二月軍 徐 戊午金 納 軍 萬 縱 各 杖 兵於是 前二首 啊 前 索大 珹 數百 罕公 衣段 取 内 110)戊 獀 73 レス ない 基

2

Ď

史

地事

73 駕突圍 日皇帝一出不 猶 常 匹犀白言 送過上皇與太后 馬六官 勝 妒 禮 金人逃上皇 陷 而 二月辛 制 出無 有 夷 器 位 狄 用 幾 復 乎上皇遅 以至戲 號 画 徒倖 歸 者皆 朔 御 出 陛 帝 擴 於 城 下 在 玩 行 萬一天不 青 車出宫 疑 圓畫等 詣 不 獨 可再 未 軍 城 元 行 丙 前 寅 祐皇后盖氏以 鄆 欲 上皇 出 物 王 飲 臣當 金人塹 祚 盡 樂 楷 脟 宋 置金管 死 及 率 行 為 諸 南 於 張 脚 范瓊 叔 封 董 儿 稍 所 疆 兵 四

得厳匿前後凡得三千餘人東哲 日 名 金人通帝及上皇易服李若水抱帝哭歃金人為 事 無二日若水寧有二主哉其 餘守視之口必使李 私第獲免初金人以內侍 金人曳若水出擊之敗 開封 無不可為者公今日 尹 徐東哲盡取之東哲令坊巷五家為 待 順 面氣 郎 從 鄧述所具諸王皇孫妃 熊 佚 結仆 明 送 亦慰解之曰 日 率令衣 岩 富 迦 水絕不食或 在贵, 尼瑪哈令鐵 袂 矣 岩 相 腁 雷 保 勉 狗 母 而

Le die W

代又紀事下人

制吴革欲以所募士微服 家兵金人又逼上皇台皇后太子孫傅留太子不造統 秋高岩少屈與得一歸親岩水此之曰吾不當復顧 四月五日 衛太子漫風而出傅不從而

謀匿之民間 十數死囚持首送之給金 别求狀 類 太子者及宦者二人殺之 人口宦者 **欲竊太子出都**

密

殺傷誤中太子因率兵討定斬其為亂者以獻

以死繼之越五日無肯承其事者吴幵莫俸

督督甚急范瓊以危言整衛士遂雄皇后太子共車

不已則

出傅曰吾為太子傅當同死生遂以留守事付王時 欲 從太子出百官軍吏奔隨太子號哭太子亦呼云百 死遂宿 與言白遼國之七死義者十數南 得太子留守何預傅曰我宋之大臣且太子傅也當 我哭聲震天至南 姓狀若水馬之尼瑪哈 破其唇啜血復罵至以刃裂 門下以待命若水 薰 門范瓊力止傅金守門 令 在 擁 金營 去 二若水反 创 頸斷 朝 惟 日 李侍郎 凡 舌而死金人 瑪哈名問 顔罵益甚 者曰 相 所

)

J. J. 1

宋史紀事本末

及 親王皇孫 三月辛卯 后 澥 沈晦黄夏卿 滁 氏等由滑 曹 傳張叔夜陳過庭司馬撲秦檀等由鄭 如太子宗戚三千人北 輔 朔帝在青城 斯馬公主如境及康王母章賢如康王夫 路九迪孫親張徵許世動 州去尼瑪哈 窕 肅 郭 仲首等於張邦昌百官選解 以帝 夏四月庚申朔金人以二帝 去幹喇布齊上皇太后與 后 太子妃嫡宗室及何 汪藻康執權元當 州 去而 歸

南薰門泉痛哭有仆絕者凡法駕鹵簿皇后以

灾

庫

閣三館書天下府州縣圖及官吏內人內侍伎藝工匠 **馬主壁渾天儀銅人刻漏古器景靈宫供器太清樓 軽鹵簿冠服禮器法物大樂教坊樂器祭器八寶九**

倡優府庫畜積為之一空 百乗載諸王後官皆胡人牽駕不通華言至邢趙間 喇布遣郭藥師迎謝上皇曰天時如此非公之罪 上皇離青城金人以牛車

之白鄭門而北每過一城縣拖面號泣至代工部員

慙

而退

帝

自離青城頂青檀笠乗馬後有監軍

大呼遂不復語扼吭而死何專孫傅至照山亦相繼死 以太上皇及帝以素服見阿古達廟遂見金主於乾元殿金主 道中惟時飲水度白溝御者曰過界河矣叔夜乃矍然起仰天 欽定四庫全書 請立太子以從民望二首怒追赴軍中被掳北去叔夜在 人議立異姓謂孫傅日今日之事有死而已移書二首 哈逼茂實胡服茂實力拒之茂實請侍舊主俱行尼 哈不許帝遂由代度太和嶺至雲中 滕茂實號泣迎謁茂實蓋會副路九迪出使者尼瑪 初張叔夜聞金

時雍問於幵傷二人微言敵意在邦昌時雍 種時以自給 莫 尚書莫傷入城令推立異姓堪為人主者 其城命晋康郡王孝器等九百餘人至韓州同處給田十五項 欽 封太上皇為昏德公帝為重昏侯未幾徒之韓州令下之後盡空 足日年全書 夏 傳復名百官議衆莫敢出聲相視久之計 宗靖康二年二月丁卯金人令翰林承旨吳开吏部 聚 邦 吕 惟秦槍不與徒依達齊以居達奪亦厚待之 借逆 宋史紀事本末 無 未以為 祭未呉开 所出

官 愈 名入議狀張叔夜不肯署狀金人執叔夜置軍中太常 視乃與御史吳給約中丞秦槍共為議狀願復嗣 簿張沒開封士曹趙鼎司門員外郎胡寅皆逃入太 昌意衆唯唯御史馬伸獨奮曰吾曹職為詩臣豈 不書名唐格書名仰樂而死 取片紙書張邦昌三字示之時难乃決遂以邦昌 書員外郎宋齊愈至自金管衆問金人意所主 私書省至即閉省門以衆環之偶范瓊喻衆以 是日王時確復集 立 容 百

受 百 前 居 危 人皆 尚 者吕 范瓊革劫邊二帝以討 金人怒執橋去 書省 Э 急 シス 好 問 起兵軍乃被甲上馬至咸豊門四面皆瓊黨 有 不忍屈節立異姓我妻孥焚所居同謀舉義 令百官班迎勸進問門宣赞舍人具革謀 班直甲士數百人排閱入言邦昌以上月 馬伸張所具倫等數人又有內親事官 三月辛卯朔金人遣張尹昌入城 宋史起事本不 邽 昌 期以三月八日舉事 與 先

安四方且論

邦昌當上皇時盡

國亂政以致社稷

華入帳即執之脅以從逆華馬之極口引頸受办 為 不變其麾下百人皆死丁酉金人奉冊寶至逐立邦 佐命功邦昌心不安拜百官皆加權字以王時雅 院事領尚書省吳升權同知樞密院事莫傳 昌 帝國號大楚邦昌此向拜舞受冊即位遂升文德 邦 位 昌但東面拱立是日風震日暈無光百官皆 亦變色惟王時雍具开莫傳治瓊等欣然以為 御床西受賀遣閣門傳令勿拜王時雍率百 官 顔 惨 知

定匹库全書

年 即官為四方密諭 問日四壁之外皆 宸 事 百官稱 號 垂拱 張 邦昌 惟吕 紅蓋所過該香案起居時雍東哲开傷皆從 殿以見 全使好問 爭之乃止時 好 予 惟王時雍 問所行文書稱 手 T. 詔 日手書雖不改元而百官文移 使 非 每言事 我 及金人将選邦昌詣 有 將誰 稱臣於陛下又勸 靖康二年百官猶 赦耶乃止赦城中 雍 復議 營祖 未 邦 邦 ンス 昌 之

院

事品

好

問

權

頹

門下省徐東哲權令中書省

定四華全書

宋史紀事本末

兵 眖 有 軍 不 中 如 相 P 君之位 謂 安 衛 聞 觸 者 昌可是何言也好 金人日留一貝 無 邦 婺 邦 邦 昌回 致疾 明品 不感 昌 则 僣 心惶 位 相 則負罪益深金人乃不留兵而 好 吾事决矣因泣 公欲 ショ 問日南 都 人目 勒 真 邦 北異 畤 問日 立 統之可也好問回具 昌 耶 雍 若 下雪 為賣國 宜 相 抑 リン く節 姑 思 公知中國人情 塞彼意 北兵不 死 襟 牙郎 则 時 社 全人 習風 稷 時上皇 而 去 勒 增 徐 議 貴 土 重 於 為 留 必 在

當 在 遺 也忠臣義士 馬 且 礼带 省 迎元 特畏女真兵威耳女真既去能保如今日乎大 事相 中 具書言於 元 祐皇后 非 祐 非 公所 皇 我人在勿服下文書不 人臣所處宜寓 不 后 請 在内此 即 邦 以忍死就尊位者自信敵退必能 康 昌曰伏見逆人犯 就 王早正大位 死城中之人不即生變亦以 殆天意盖亟還政可轉 直殿 廬 庶 得稱聖旨為 無令衛士夾陛 獲保全監察 順且逼立相 福 令計 御 相

無 関 超氏日 間一應 處 孤 仍 人超孤也今敵四庫全書 而已必不 説 速迎奉康王歸京日下 負 禁中不反初 康王且令南通然後為 初 心望速行 纵 内 後 外赦書施恩惠收人心等事權 施行庶 敢 輔 服 退 相 攺 未就臣列 多日吾君之子亦已 幾中外釋疑轉 正易 公以為叛臣也自 開 服 久飯 門 歸 以為外 有庶事取太后命 橅 勞 不歸之計一旦喧 禍為福 挾 勤王之師 邦 獞 知 沂 目 行 敵 拘 潜立 不 在 之威 取 ソス 相 使 而

之 福官遣人至齊州訪康王其策太后語有曰尚念表氏 時雅等解旨激切邦昌乃復遣謝克家往奉迎康王 登壇軟血同獎王室移書詞斥邦昌責其及正併 事識者皆閱那昌之意非真為趙氏也 初首崇西宫之禮蓋用太祖即位迎周太后入西宫 昌 知淮寧府聞二帝北遷與江淮經制使翁彦國等 氣沮 甲子那昌尊元祐皇后為宋太后迎居 時宗室子 諭

事者皆用君臣之禮至伸始貼書稱太宰相公書

巴日東白馬

宋史紀事本 末


等持書詣濟州自陳 雍 跡 時雍日騎虎者勢不能下所宜熟慮他日強臍 以為 言克家至濟州勘進康王不許 矣徐東哲復從旁贊之邦昌知人心不順逐不聽 已無可疑大王宜盛行天討典復社稷不可不斷 紆 動合移師近都按甲觀變澤復書謂 邦昌受偽命之人義當誅討然慮事出權宜 圖 難耳非敢有他也康王復書與之而諭 所以勉循金人推立者欲 邦昌又遣将 邦昌衛 機宜 師 宗 悔 時 澤 愈

昌 恩撫之王既即位問宰執何以處邦昌黄潛善等曰 本 E 罪 事 朕 王尋韶那昌宜如文彦博故事一月兩赴都堂参决 朝 在不貸然為全人所看今已自歸惟陛下所處帝 而歸實避位之意告之遂以那昌為太保封 弑 馬又 以王爵異時全人有詞使那昌以天下不忘 U 宋史记事本表 同 邦 安

桑七

王遂自濟州如應天 府

邦昌來見伏地慟哭請死康王





腾録監生臣張龍圻教野官編修臣孫希旦 級校官編修臣朱 鈴